

東華續錄

同治朝

卷三十九之四十三

第三十冊

冬十月戊辰朔諭議政王軍機大臣等信格林沁奏督軍進剿西竄股匪偏賊東趨官文奏髮捻東趨與蘄水之賊句合見籌辦情形各一摺逆匪盤踞新店雙山門等處經陳國瑞等軍擊敗遁入楚疆信格林沁要亦經准該將軍等所請停止同竄官軍敗之於木子店復向西南白果一帶狂奔陳國瑞姜玉順等督軍扼剿疊有斬心如向可以抽撥即著按照都興與下游大股髮捻句合是楚北西路可保無虞而逆勢既歸併一處則下游倍形喫重皖省可以補此缺額並著該將軍等著官文即飭姜玉順蕭河清等軍銳意東行會合成大吉之軍內外夾擊務將此股賊匪議剿辦新疆回匪各摺片逆首馬捷一軍並著官文飛檄催提飭令自東而西與鄂軍兩面兜圍大彰捷伐成保陳國瑞扼向屬得手第該逆狡黠異常探知水師嚴扼辛家冲一帶以防搶渡即著信格林沁官文分飭各軍嚴密堵禦以備鈔擊僧都興阿督率杜嘎爾等嚴密防剿擬俟賊蹤竄近平原督率馬隊追擊該大臣惟當穩慎進取毋稍疏虞將此由六百里各岳斌回籍選募精勇七八千名赴汀軍出境剿賊獲勝並請免林文察處分得旨著即飭令張運蘭等軍分道嚴密遏剿務所請飭派明慶等統帶所調馬隊察被參赴調延緩處分著加恩寬免○廣西巡撫張凱嵩奏分剿思恩南甯匪徒獲勝得旨仍著飭令易元泰等軍乘勝進攻將首要各犯盡數殲除毋稍鬆懈○楊岳斌請回湘募勇赴甘肅許之諭湖北等省籌解楊岳斌軍需○命刑部尚書綿森戶部左侍郎吳廷棟往治察哈爾獄○己巳諭改烏魯木齊提督文祥名為文祺○庚午諭議政王軍機大臣等都興阿奏揀籌出關剿賊情形一摺據稱體察刻下情形出關一節非馬隊不能得力請飭吉林挑兵一千名黑龍江撥官兵及西丹間散一千名等語吉林黑龍江馬隊節經各路軍營奏調為數不少且因東三省邊防緊要亦經准該將軍等所請停止再調惟回疆事體重大將來都興阿進兵必須馬隊方能制賊死命著該將軍等酌量情形如向可以抽撥即著按照都興阿所請數目先行挑備聽候都興阿調遣見在東南軍務大定各路所調馬隊陸續撤回即可以補此缺額並著該將軍等斟酌辦理將此由六百里各諭令知之○諭都興阿奏逆賊撲犯營壘官軍擊剿獲勝並籌議剿辦新疆回匪各摺片逆首馬叱咤糾集馬步賊匪撲犯官軍營壘經杜嘎爾督飭托克屯揮軍迎擊斃賊七八百名剿辦向屬得手第該逆狡黠異常探知我軍地廣兵單難保不再來窺撲且甯夏之賊復於上游放水洩浸滿城尤應亟籌宣洩著都興阿督率杜嘎爾等嚴密防剿毋稍大意一面催令定安統帶練勇搶奪大壩屆口趕緊設法宣洩水勢以保危城見在楊岳斌回籍選募精勇七八千名赴甘肅需時日都興阿督軍剿辦甘回正當喫緊非俟楊岳斌大枝勁旅到甘萬難出關剿賊所請飭派明慶等統帶所調馬隊

來甘助剿及請飭僧格林沁抽撥官兵集成保統帶之處屆時再降諭旨將此由六百里諭令知之○辛未諭內閣伊犁將軍常清自到任以來於邊防事務一切未能整頓本年庫車等處回匪煽亂該將軍有統轄各城之責事前既未能防範事後又未能設法趕緊撲滅實屬庸懦無能大負委任且有被參謬妄貪婪各款常清著即行革職仍留伊犁聽候查辦○諭議政王軍機大臣等伊犁奏楚師防剿黔匪肅清沅晃邊境及籌防江西竄賊情形暨包茅仙被擒自刎各摺片黔匪勾結下竄擾及湖南沅晃邊境經周洪印等分路剿擊各有斬獲沅晃境內已無賊蹤戈鑑等復由邦洞一帶越境進剿連破賊巢仍著伊犁督飭各軍實力扼擊以剿為防毋稍鬆懈前因李七股匪由王家司竄至荔波縣屬拜讓地方黔省兵力不敷剿辦曾經諭令伊犁世臨飭令周洪印迅統所部由荔波一帶進剿見在該撫飭周洪印酌派數營駐紮靖之交界蕩天柱各匪即著該撫酌量緩急相機調遣江西之賊勢窮紛竄見在瑞金等都已復馳超率師直下步步追躡正須楚軍會同夾擊方可收聚殲之效伊犁世臨見飭趙煥聯等分扼上猶龍泉陳士杰等軍照舊布置所籌尚妥即著飭令各軍與江省官軍互相聯絡迅殲賊氛包逆被擒自刎黔楚邊界已除一巨患該逆倡亂多年恐不免餘匪潛匿仍著飭令在事各員弁實力搜捕以清餘孽將此由五百里諭令知之○諭前據武隆額德明奏常清劣蹟多端聲名狼藉嗣又據武隆額奏查出收版虧短馬匹各摺片據稱常清居官辦事軍民同深憤恨甚至有常口袋常錢串子之號揀選協領任意黜陟徇庇解任聽審之巴哈善意存開脫羅世瑤一案有該將軍門丁吳姓在內延不交出屬令委員備供刑嚇意在致死滅口緣營出有官缺積壓一年有餘未經出奏需索守備夏正羸頭未遂意欲羅致重罪以找賣馬為名徧地搜羅以致軍民不敢養馬傳聞所得馬匹轉售外夷及馬差沿途代為變價凡有呈遞馬廐銀物者皆係章京圖姓達姓與門丁吳姓等互為棧索將自存頂領貂皮等物賣與哈薩克等錮銖必較私宅工作或取諸軍民或勒令屬員代辦該將軍因命名常清凡公牘中遇有清字必令改避於勘分地界一事一概推諉為卸肩地步察哈爾營牧廠官馬僅存五百餘匹虧短四千四百餘匹之多該將軍因每年需索馬匹售賣獲利遂任令管馬官員虛蒙出結代為隱瞞以致馬政大壞各等語西陲重地極關緊要將軍駐紮伊犁有總統各城之責必須公正廉明方足以資治理乃如所參各節是常清居心卑鄙辦事謬妄全不以國事為重安望其表率僚屬綏靖地方且見在新疆各城回匪煽亂伊犁地方防守尤重該將軍平時既眾怨繁興又安能固結人心同資保衛本日業經明降諭旨將常清革職聽候查辦明緒見在新授伊犁將軍無所用其回護著將所參各款詳細查明據實具奏不准一字欺飾原摺片四件均著鈔給閱看將此諭令知之○諭常清明緒奏援兵剿辦庫城回匪獲勝並委統兵大員

救援烏城常清奏接奉諭旨港陳惶悚下忱明緒奏抵任大概情形各摺片覽奏均悉常清身膺邊寄毫無振作本日已明降諭旨將伊犁革職伊犁將軍即命明緒補授矣明緒受朝廷倚畀重恩務當振刷精神於一切防剿撫綏各事宜力求整頓不可稍有懈怠因循致蹈常清覆轍圖庫爾一軍行抵庫爾喀喇烏蘇擊賊獲勝自應一鼓作氣將逃匿禮拜寺之賊悉數殲除武隆額隨同圖庫爾一路行走既據常清等奏稱該員遇賊接仗深合機宜甚屬可嘉本日已將武隆額賞給副都統銜補授喀喇沙爾辦事大臣所有救援烏城之兵即著暫由武隆額調度自領隊大臣以下均歸節制武隆額其督帶各軍鼓勇前進迅解烏城之圍疏通咽喉重地此次援兵甫到庫城即能得手可見官兵果能奮勇直前不肯避賊必可力挫兇鋒明緒當督同武隆阿激勵將士敵愾同仇務令壁壘一新肅清邊徼以副委任哈密為新疆門戶回匪既有句結安集延霍罕分赴哈密烏魯木齊打仗之謠自應嚴密防範著明緒行知平瑞文祺扎克當阿加意準備北路之塔爾巴哈台等處著一併咨令錫霖等嚴為籌備不可稍涉大意至新疆軍餉疊經照戶部所撥諭令山西等省趕緊撥解此時諒已陸續起解在途明緒即可分別咨催迎提內地精兵業經設法籌調出關剿賊惟到尙需時明緒總當就見有之兵實力防剿遣勇既易滋事或添募民勇加以訓練藉厚兵力不可專待援師致誤戎機金頂寺回子意欲變亂見經開導解散所辦甚好仍著隨時撫輯令其各安生業以遏亂萌嗣後非極緊要軍情不准擅發八百里報致駭聞聽將此由六百里各諭令知之○以明緒為伊犁將軍聯捷為伊犁參贊大臣調惠慶為古城領隊大臣賞候選郎中李雲麟三等侍衛為庫爾喀喇烏蘇蘇隊大臣○賞葉爾羌幫辦大臣武隆額副都統銜為喀喇沙爾辦事大臣○飭催新疆換班各員赴任○壬申諭議政王軍機大臣等丁曰健奏前往彰化督剿並辦理善後事宜一摺北路股首洪機恃與番界接壤往來莫定負隅抗拒馬奔潭匪首陳鯤等亦恃竹園堅厚暗結黨與狡焉思逞若不速加殲滅恐日久死灰復燃勢將仍肆蔓延致剿辦又形棘手丁曰健見於九月初十日帶領兵勇前往北路彰化一帶督剿著左宗棠徐宗幹督飭丁曰健統率所部認真接捕務將洪機等逆首悉數弋獲並將餘匪剿除淨盡以竟全功而清疆圉其一切善後事宜即著丁曰健妥為經理副將林文明以本地之人辦本地之賊自不免致招嫌隙所有內山接捕事宜即著責成該鎮道接辦毋庸林文明前往署總兵曾元福見在同臺清理積欠口糧並裁撤疲病各勇即著照丁曰健所擬暫留郡垣另行察看情形辦理丁曰健見赴彰化剿匪所需兵勇口糧亟應寬為籌備著左宗棠徐宗幹飭令臺灣府知府陳懋烈於萬難設法之中竭力籌措並著丁曰健自行湊借俾供支放毋令缺乏將此由五百里諭知左宗棠徐宗幹並傳諭曾元福丁曰健知之○癸酉諭議政王軍機大臣等曾國藩奏官軍

驅賊出境皖南北兩岸肅清沈葆楨奏鮑超飛援甯都血戰解圍並席寶田一軍翦除湖逆接獲偽酋及龍南縣擊賊獲勝各摺片英霍之賊退竄鄂疆徧擾斬水斬州等處皖北雖暫就肅清未能恃以無恐將擬學一軍已到斬水劉連捷軍亦經官文調往湖北見在成大吉被圍湖北軍情十分喫緊著曾國藩懷遵疊次諭旨飭令劉連捷迅即赴援湖北其皖楚交界地方仍責令朱南桂等嚴密防守毋任回竄皖南之賊經易開俊等出嶺追剿急走遂安並陷開化漏逸而西者尚有數千人由江甯粵頭頭是道曾國藩仍當飭令易開俊金國琛等跟蹤出境追剿務須數省合力將此股殘匪殄除淨盡未可以鄰爲壑致令死灰復燃沈葆楨所奏鮑超援甯都血戰解圍已降旨賞戴雙眼花翎該撫即傳知該提督益圖奮勉將濂侍等逆悉數誅鋤肅清江境用副委任席寶田一帶翦除湖逆據生擒賊供佑逆李遠繼已殞於陣幼逆洪幅瑛或謂死於亂軍或稱自經山僻俱屬渺茫不定僞主將羅逆王逆亦俱漏網恐遺孽復萌再有句結又形費手著沈葆楨飭席寶田等確切查明幼逆所在認真接捕以淨根株左宗棠徐宗幹亦當督飭各路地方將領嚴密捕拏爲一勞永逸之計沈葆楨另片奏南雄之賊犯龍南酒源堡及插林坳背等處經署令蔣如琳等督勇轟擊斃匪甚多餘匪竄向定南廳而去此處與廣東地方交界著毛鴻賓郭嵩壽飭令地方文武嚴防竄越並派兵出境追剿以免再有闖入沈葆楨仍當責令地方文武員弁認真防剿如賊勢尙眾卽酌量抽調數營前往會同粵軍合力剿洗正在寄諭聞據毛鴻賓等奏匪撲南雄州城官軍迎擊疊勝賊趨東路見飭臬司督兵出省防剿另片奏賊由江西安遠長甯竄入平遠縣城知縣吳炳綬中槍墜馬等語南雄賊匪被擊退竄復由江西之龍南竄入和平龍川境內幸各縣均有準備遂橫竄嘉應州界之長田和平龍川交界之下車等處毛鴻賓等已飛飭鄭紹忠由龍南馳赴連平與崑壽所派之常秀各軍互爲聯絡並令知府吳贊誠等扼紫州境防剿著卽催令李福泰籌添兵勇統帶出省赴南雄一路安籌剿辦毋任匪蹤紛竄並嚴飭方耀等軍迅行規復平遠縣城以贖前愆粵省與江西湖南犬牙相錯存在接壤粵東一日不得肅清江西湖南卽一日不能安枕與其糜經費以籌防不若合羣力以制賊著沈葆楨卽飭王文瑞一軍由贛南一帶長驅入粵會合惠潮各軍以剿東江之賊惟世臨卽令趙煥聯一軍由桂陽桂東入粵會合南韶各軍以遏北江之衝均須剋日赴援不得稍分畛域致誤戎機毛鴻賓等當飭令李福泰先就見有兵力迅圖剿辦不可坐待客兵遷延時日將此由六百里各諭令知之○張之萬等奏捻逆由白果竄上巴河見飭各軍扼剿得旨著該撫卽飭前敵各軍乘勝進擊並飭張曜趙鴻舉等嚴扼商城一帶關隘防剿兼施毋任再行北竄○以江西甯都縣城解圍提督鮑超得旨嘉獎並賞雙眼花翎餘升敘有差子陣亡遊擊牟占魁等祭葬世職加等○以江西廣昌縣擊賊獲勝開復降補知府席寶田

處分仍以按察使用賞還勇號布政使銜千陣叅遊擊夏基鴻等祭葬世職加等○乙亥諭議政王軍機大臣等保恆奏烏魯木齊省垣失守請派兵出關剿賊並請於科布多揀員統轄蒙古官兵各摺片覽奏曷勝焦憤烏魯木齊滿城固守數月仍被回匪攻陷緩來縣城亦被賊踞哈密漢回又乘勢變亂將關鄉等處焚掠巴里坤漢回聞哈密之變亦遷移不知去向南北兩路徧地皆賊烏魯木齊爲新疆扼要之區今既淪陷全局震動必須先將此城克復再行剿辦各路之賊惟關外既無得力之員又無熟悉戰陣之將楊岳斌回湘募勇急切不能到甘肅與阿既不能出關剿賊穆圖善身歷行陣屢立戰功奉命督師援甘復能激勵士卒踴躍前驅深堪嘉尚著卽統率全部出關剿賊如兵力不敷剿辦或先駐紮哈密以爲將來進兵地步該將軍見由中部一路進援靈此時既須出關自應探明道路前進俾無阻滯之虞見在鹽固等處均有賊蹤是否仍須繞赴蘭州省城由涼肅一帶出關抑甯羅迪北關外尚有可通之路均由該將軍探明前進以期安速穆圖善改道出關甯靈一帶之賊著都興阿就見有兵力妥籌剿辦但兵力實形單薄緩遠歸化等城兵力如果足資防禦卽著桂成仍遵前旨於該二城挑選精壯兵丁一千備齊器械迅赴都興阿軍營聽候調遣從前剿辦西路之賊川陝兵勇最得力雷正綰籍隸川省能否派員回籍添募若干卽著酌量辦理其各路援兵未到之先都興阿須謹慎進取聯絡甯夏官兵力圖扼守不可稍涉大意穆圖善所部已有十二營本日又諭令官文催調溫德勒克西等馬隊迅赴該將軍軍營兵數愈多糧餉尤須寬爲籌備前據德勒克多爾濟奏山西解到銀八萬兩委員解往科布多交納惟杯水車薪難敷分撥此項餉銀陝甘既不能籌撥止可於晉省設法騰挪著沈桂芬無論何款先其所急迅籌銀二三十萬兩解赴穆圖善軍營俾得迅速出關剿辦嗣後仍須源源接濟毋令缺乏當此時勢艱窘務當力任其難通盤籌畫並著迅速覆奏以慰廑懷師行糧隨必須有轉運糧臺方可不誤餉糈從前西路用兵多於肅州等處安設糧臺以資轉運著都興阿恩麟斟酌情形何處可以安設卽於得力道府中酌派一人經理以專責成穆圖善未出關之先仍著明緒督飭武隆額由庫爾喀喇烏蘇進兵先復緩來縣城疏通道路由昌吉一路進剿並由保恆飛催惠慶馳赴古城統帶蒙古援兵星速前進以期兩面夾擊迅復烏垣毋稍延緩平瑞不知下落烏魯木齊都統著保恆暫行署理烏垣等處文武下落著查明具奏一面將見存蒙古官兵並烏科等處調到蒙兵妥籌調度科布多地方亦關緊要廣鳳已派往辦分界事宜保恆所請由該城大臣揀調一員來古督同辦理著毋庸議本日廣鳳奎昌奏續撥二起蒙兵起程赴古嗣後無可再撥等語自係實在情形所有科城蒙兵卽著毋庸再撥此項蒙兵到古時卽由保恆等分別調遣可也將此由六百里諭知都興阿穆圖善雷正綰明緒保恆武隆額德勒克多爾濟桂成廣鳳奎昌沈桂芬並傳

諭恩麟知之○諭新疆各城自庫車喀喇沙爾葉爾羌烏魯木齊滿城亦已失陷並聞巴里坤哈密一帶均有回匪擾亂是新疆情形極為喫緊邊疆重地亟應及早廓清惟該處向來用兵必須內地籌調大枝勁旅寬撥餉需方能布置裕如大張撻伐見在甘肅軍務尙無就緒道路亦未通暢而湖北賊氛未淨礙難騰出兵力赴甘援剿是欲剿關外之賊必須先清甘省欲清甘省非將竄擾楚豫皖三省之賊迅速殄除則兵力實爲牽掣不能鼓行而西前諭旨國藩調派劉連捷等軍赴楚助剿疊據奏報業經陸續到皖劉連捷一軍已由官文檄調赴鄂此起官兵皆係曾國藩舊部即鄂省水陸各營亦係楚勇居多若得曾國藩前往調度則兵將相習必可收指臂之效見在江甯已臻底定軍務業經蒞事即著曾國藩酌帶所部前赴皖鄂交界督兵剿賊務即迅速前進毋稍延緩第恐曾國藩之兵由東路進逼賊必避兵西竄武漢一帶防守亦關緊要官文俟曾國藩到後即可回駐省垣會同吳昌壽妥籌防範並將各營餉需源源接濟毋令缺乏之信格林沁見駐黃岡之上巴河第恐深入楚境難保賊匪不伺隙竄擾北路著酌量情形扼要駐紮力顧豫疆賊或北竄即著督率馬步迎頭夾擊以期聚而殲旃僧格林沁官文曾國藩均係威望素著似此三面扼紮必能將此股賊匪悉數殲滅剋期蒞事至江南甫經肅清所有撫輯地方一切事宜均須妥爲籌辦即著李鴻章前赴江甯暫署總督兼務曾國藩俟李鴻章到後即行交代起程江蘇巡撫著吳棠暫行署理並著迅速起程赴蘇將地方應辦事件認真籌辦富明阿著兼署漕運總督所有淮徐一帶防守事宜即著妥籌兼顧應否移紮清淮並著富明阿斟酌情形奏明請旨至李鴻章籍隸安徽該省係總督兼轄固應回避惟此時軍情緊要不能不權宜變通李鴻章著毋庸奏請回避即行前往江甯接替以便曾國藩迅速出省曾國藩李鴻章皆係朝廷有功之臣素能不分畛域此時雖係暫時任事於應剿應防一切機宜均當以大局爲重力戒滿盈不可稍涉太意以副委任穆圖善一軍本日已諭令出關剿賊甘肅兵力不敷調撥楊岳斌前已奏明回籍募勇赴甘著即趕緊選募成軍剋日起程毋稍遲誤溫德勒克西等及蘇倫保等馬步各隊前經官文奏請暫留楚省見在西路需兵孔亟仍著官文曾國藩飭令迅赴穆圖善軍營不得藉詞奏畱甘省軍情萬繁四川係屬鄰疆派兵赴援較爲迅速著駱秉章無論如何總須抽調一軍派員統帶前往聽候都興阿調遣毋許再有推諉將此由六百里各諭令知之○回匪陷烏魯木齊滿城都統平瑞死之以保恆署烏魯木齊都統飭穆圖善率師出關剿賊諭山西籌濟軍需○丁丑·慈禧皇太后聖壽節 御慈寧宮上率王以下文武官員行慶賀禮○戊寅沈葆楨奏逆匪自甯都敗後回踞瑞金鮑超率師連日追剿斬斬極多九月十五日馳抵瑞金該逆前股入城死守後股背城而陣經鮑超督軍擊敗城賊驚惶開西南門而遁當將縣城克復城外賊壘一律踏平

追至距城三十餘里之華田直達閩界始行收隊計擒斬長髮五六千人乞降解散者不計其數餘賊由武平山路潛遁該署提督已知會閩省防軍一體截剿臣仍飭各屬加意嚴防以杜回竄查鮑超統師入江冒暑血戰平許灣七十餘壘攻克金溪瀘溪南豐新城力解甯都重圍削平瑞金踞逆東南大局深資保障應如何優加恩獎伏候 聖裁其所部將領員弁兵勇可否飭下旨國藩破格請獎出自 天恩又奏據席寶田稟稱九月十三日在高田擒獲偽尊王劉慶漢訊供後凌遲處死以幼逆尚無蹤迹移軍石城派知縣謝蘭階訓導唐家桐分帶小隊會同石城縣知縣曾繼勳四出搜捕二十五日遊擊周家良獲之荒谷並獲李秀城次子李其詳請解省確訊等情竊念洪幅瑱黃口小兒無足介意惟洪秀泉竊號十餘年流毒十餘省遺孽猶在則神姦巨慝倚其名號足以揮召羣兇李侍賢汪海洋等股東西奔竄方欲得幼逆以冀死灰復燃當幼逆遁至廣昌去歲逆已聞不容髮幸席寶田晝夜窮剿追至石城鮑超援甯都克瑞金使潰逆無可容足而幼逆展轉荒谷卒就生擒東南大局從此底定所有尤為出力之按察使席寶田應如何優加恩獎出自 聖上可擊周家良等先行開列懇恩獎勵其餘出力員弁勇丁可否容 臣擇尤請獎出自逾格 鴻施洪幅瑪應否檻送京師李其詳年僅四歲應否飭令解省監禁俟及歲時照例辦理均請旨遵行 上諭內閣沈葆楨奏官軍追剿敗匪生擒首逆生擒幼逆洪幅瑪一犯雖係洪秀泉之子而么磨小醜漏網餘生亦不值檻送京師著沈葆楨即將洪幅瑪在江西省城凌遲處死以快人心沈葆楨自簡任江西巡撫籌防籌剿深合機宜浙皖賊匪屢次竄入江西均經調派兵勇次第掃蕩並生擒首逆殲除各巨酋實屬勦勞懋著加恩著賞給一等輕車都尉世職並賞給頭品頂帶署浙江提督鮑超前在江楚皖三省剿賊卓著戰功此次督軍入江所向大捷疊摧巨股連克堅城賊眾聞風膽落遂能盡掃逆氛膚功立奏加恩錫封一等子爵以示優異記名按察使席寶田帶兵追賊疊獲勝仗並將首逆捕滅奮勇可嘉加恩著賞給雲騎尉世職並賞寶黃馬褂○諭閩浙總督兼署浙江巡撫左宗棠督師入浙恢復浙東各郡縣進規浙西攻克杭州省城及湖州等府縣肅清全浙並派兵截剿皖南竄賊蕩平巨股卓著勦猷茲當幼逆洪幅瑪就擒殲除餘孽東南軍務漸次底定自應渥加懋賞左宗棠著加恩錫封一等伯爵浙江布政使蔣益澧隨同左宗棠統兵入浙身先士卒所向無前先後立拔堅城廓清浙境懋著戰功並著加恩賞給騎都尉世職以示渥沛恩綸至意○諭議政王軍機大臣等僧格林沁官文奏斬水髮捻被剿窮蹙分竄廣濟太湖督率水陸各營分路防剿一摺逆眾自趙斬水後大股麇聚梅子山等處與蔡家河踞匪互為犄角經僧格林沁官文分督水陸各軍扼要防剿連獲勝仗成大吉一軍復與蔣凝學援師奮勇力戰立解重圍又累捷於關口等處逆匪分股敗竄一竄太湖彌陀

寺一竄廣濟自應乘勝會剿以期聚而殲旃卽著僧格林沁督飭成大吉等馬步各軍跟蹤追擊至劉連捷等軍已抵太湖並著僧格林沁會國藩飭令迎頭會剿迅奏膚功第逆匪既經陸軍剿擊下游又有皖軍攔截當此秋深水涸沿江沿湖各要隘尤應嚴密堵禦以防搶渡官文務當督率水師梭巡防範遇賊卽擊毋得稍有疏虞英山一路防守尙屬空虛著僧格林沁酌撥數營嚴防回竄見在東南軍務漸次底定楚皖交界之賊尤應及時撲滅曾國藩著仍遵前旨迅赴皖鄂一帶督兵會剿俾此股殘匪早就殄除以副委任將此由六百里各諭令知之○諭徐宗幹奏官軍擊退金寶匪逆偏漳郡並請飭浙營得力將官來閩林文察奏由省啟行馳赴邵汀一帶等摺片瑞金踞賊經官軍擊走後繞竄廣東平遠鎮平大埔等處闖入閩境窺伺龍巖直犯漳郡見在漳郡失守與否尙無確信賊勢既趨重閩疆漳屬南靖等縣復有土匪串同粵勇假冒髮逆各處滋擾見在關鎮國畱守汀州要隘康國器駐防光邵徐宗幹已飭郭什春帶兵勇二千馳往泉州並調魏喻義張運蘭作速進剿卽著督飭各軍乘新竄之賊喘息未定一鼓殲除毋任延蔓閩省兵力較單全浙見已肅清左宗棠檄飭得勝之軍統帶勁旅星馳赴閩迅殄賊氛該督職任兼圻責無旁貸務須實力區畫以維全局林文察已赴邵汀一帶卽著探明賊蹤相機進剿毋稍遲緩本日據沈葆楨奏鮑超一軍攻克瑞金縣城追賊至距城三十餘里之壘田直達閩界等語仍著鮑超乘破竹之勢督軍出境會同閩省防軍將此股敗匪追捕淨盡以竟全功前據毛鴻賓等奏賊由江西竄入平遠縣城南雄解圍後賊由江西龍南竄入和平龍川縣境橫竄嘉應州界見在粵省之賊由大埔竄入閩境其嘉應等處賊勢如何平遠縣城是否收復前調之王文瑞趙煥聯兩軍著毛鴻賓郭嵩燾飛咨江西湖南分飭該員等迅速入粵助剿並飭李福泰等將各處竄匪節節掃蕩以期底定東南全局將此由六百里諭知左宗棠毛鴻賓沈葆楨徐宗幹郭嵩燾並傳諭林文察知之○諭保恆奏迪化失守阜康縣被賊焚燒見籌防堵剿與等奏蒙古官兵餉缺情形各摺片見在賊匪悉竄迪化阜康一帶勢將逐漸東趨亟應嚴密堵遏保恆見經署理烏魯木齊都統所有各城防剿事宜卽著妥爲籌辦協領功諱布等所帶滿漢兵勇不足千人兵力實形單薄著再添募勇丁扼紮濟木薩一帶力遏東竄之路科布多所派蒙兵業經到古卽著妥爲調遣喀爾喀西兩部兵一千五百名據麟興等奏稱未經戰陣口糧亦苦不足恐難得力著嚴飭委員遇春妥爲駕馭迅速前進所需糧餉卽著將晉省解到銀兩先行發給毋令枵腹荷戈巴里坤哈密等處近日防守情形著保恆隨時查明具奏並著行知文祺侯扎克當阿接任署事後卽行前赴古城一帶督兵進剿毋稍遷延前經諭令穆圖善統率全部出關剿賊此時新疆北路逆氛漸張若得內地之兵星速赴援則壁壘一新自不至蔓延爲患穆圖善當懷遵前旨卽行

部署起程取道出關相機進剿不得稍有遲誤所需餉項並著飛咨山西巡撫趕緊撥解以利進行烏什幫辦大臣伊昌阿前在都興阿軍營業經諭令赴任著穆圖善咨會都興阿催令迅速起程毋稍延緩將此由六百里各諭令知之○以江西官軍生擒首逆洪福瑱賞遊擊周家良巴圖魯名號雲騎尉世職以副將儘先補用餘加銜升敘有差○予烏魯木齊合門殉難都統平瑞祭葬世職加等入祀京師昭忠祠諭忠壯道員伊昌阿祭葬世職眷屬人等分別旌卹如例革署知州孔昭恆職並逮問○予湖北陣亡副將楊秀琪祭葬世職○庚辰左宗棠奏逆賊李侍賢汪海洋兩股疊據江西官軍剿敗然黨夥甚眾時出江粵邊界昨接福建撫臣徐宗幹函稱瑞金踞匪擊退後賊之入粵者復由大埔翻山竄犯汀屬陷武平縣城張運蘭轉戰失利賊即分股竄陷龍巖南靖並陷漳州府城徐宗幹見調林文察回扼泉州臣查漳州龍巖失陷汀州所屬亦徧地賊氛北與延平永春毗連南與廣東潮嘉接壤見在江西瑞金會昌尚有賊踞關鎮國駐汀州康國器駐邵武兩軍均難撤動徐宗幹調泉厦各處官兵六七千人分防興泉並通永春等處兵單力薄殊為可虞臣飛飭提督黃少春副將劉明珍兩軍由衢州取道浦城赴邵武一帶接防以便騰出康國器全部進剿漳州並飭援江各軍除王德榜王開琳仍留吉安防剿外劉典一軍即由建昌取道赴汀惟此兩路由江浙邊界赴閩山徑崎嶇深恐緩不濟急見在賊踞漳州有下趨之勢省垣為根本重地興泉兩郡為省城門戶不可稍涉疏虞當飭提督高連陞率所部馳赴甯波履坐輪船由海道先赴福建省城察賊所向相機迎剿以期穩固臣俟各軍拔行後即擬進駐衢州就近調度如局勢必須急進當赴閩督轄軍迅速剿辦惟浙省係臣兼署一切善後事宜猶須次第經理臣既赴閩勢難兼顧應請飭下新任撫臣馬新貽速赴本任接辦以重職守馬新貽未到任以前臣如出省所有浙江巡撫篆務可否即交藩司蔣益澧護理伏候訓示遵行又奏接據署福建莆田縣知縣吳光漢稟報漳州府城被匪闖入焚掠九月十五日仍退往龍巖臣惟漳州賊退尚屬得自傳聞而龍巖粵東毗連各處均為賊踞閩省軍情仍屬喫緊所有三路入閩官兵應仍星馳前進俾速戡定上諭議政王軍機大臣等江西逆眾由廣東大埔翻山竄犯汀屬武平縣境張運蘭轉戰失利賊分股陷龍巖南靖縣入漳州府城徐宗幹調林文察回扼泉州左宗棠飭提督黃少春副將劉明珍由衢州取道浦城赴邵武一帶接防以便替出康國器全部進剿漳州劉典一軍由建昌赴汀該督恐緩不濟急已飭高連陞由海道赴福州省城相機迎剿並擬進駐衢州就近調度催新任巡撫馬新貽赴任所籌均尚周妥本日已諭令馬新貽即赴浙省矣浙省接辦善後各事亦關緊要萬一閩省軍情更緊馬新貽一時未能赴浙即令蔣益澧暫行護理仍隨時兼顧以期無誤漳州路匪是否退往龍巖各該府州縣等城文武如何下落

均著左宗棠徐宗幹查明具奏龍巖與粵東毗連各處俱爲賊踞閩省軍情萬分喫緊著左宗棠催令派出各軍並親提官軍速籌進剿張運蘭一軍雖小有挫失左宗棠徐宗幹仍當督飭該臬司激勵將弁以期再整軍威閩省被賊闖入連陷數城徐宗幹何以先事毫無準備如再有疏失自問當得何罪毛鴻賓沈葆楨等於賊匪竄出境外何以不令諸將跟追畛域分明以鄰爲壑殊非同心禦侮之道著卽飭令在事員弁出境窮追會同閩浙諸軍協力剿洗淨絕根株其瑞金等處踞匪及南雄一帶竄匪仍著各該督撫認真搜捕毋畱餘孽將此由六百里各諭令知之○諭左宗棠奏賊匪繞竄閩疆暨賊陷漳州各摺片逆賊李侍賢等股由廣東大埔翻山竄入閩境撲陷武平縣城張運蘭進剿失利賊卽分股竄陷龍巖南靖並句結內應攻陷漳州府城汀州所屬偏地賊氛左宗棠見調援江之劉典一軍八千人由建昌取道赴閩計已起程前進惟江西瑞金會昌一帶尚有賊踞見在僅畱王德榜王開琳兩軍在吉安等處防剿兵力恐不敷分布且虔竄閩之賊被閩浙粵東諸軍兜剿窮蹙難保不回竄江境著曾國藩飛飭鮑超一軍乘勝越境會剿務將入閩賊匪就地殲除毋得稍存畛域之見貽誤戎機左宗棠因閩省賊蹤紛擾陷漳州之賊見雖退往龍巖而汀屬匪勢延蔓擬親赴衢州調度暫令蔣益澧護理浙江巡撫前因曾國藩已赴江甯諭令馬新貽仍畱安慶辦理善後事宜此時左宗棠移紮衢州恐須親督諸軍入閩剿賊馬新貽身膺浙撫責無旁貸著卽將安慶應辦善後各務與曾國藩等會商揀派大員接辦卽由曾國藩迅速飭赴安慶以便馬新貽交替起程劉典一軍調赴閩省皖南防剿事宜並著曾國藩喬松年妥籌會辦江西瑞金會昌踞匪並由曾國藩會商沈葆楨督飭諸軍迅卽殲除毋任復行旁竄將此由六百里各諭令知之○諭張集馨奏馳抵涇州偵察賊情一摺逆回自叛陷固原後廣集涇平交界之新城地方欲斷平涼各營糧道又有馬步賊萬餘在涇州之北原肆擾首逆孫義寶欲將老弱送回白集原糾眾回竄長安見經畱防平涼之總兵周顯承等在黨原各隘連戰皆捷餘賊遁回新城小峴子一帶盤踞涇平兩處計可無虞糧道尙不至阻塞惟該逆盤踞北原必須力籌扼剿以免旁逸著都興阿雷正綰飭令畱防平涇各營務將此起竄賊就地殲除杜其竄陝之路曹克忠已抵蓮花城見與雷正綰陶茂林三路進攻著該署提督督率諸軍迅圖攻拔以便次第規復固原兼顧平涇等處至逆匪既有竄回陝西省城與城中回民句結內應之語尤不可不嚴爲之防著劉蓉將城守事宜不動聲色嚴密稽查並派兵於邠州白集原等處實力防範儻有疏虞任賊闖入惟劉蓉是問邠州道路無徑可繞張集馨擬將辦撫不實之楊炳銓一案辦結後道路疏通再行赴省著該臬司趕將此案查訊明確卽行前赴蘭州會籌防剿毋誤事機欽此○逆自竄陷甘肅階州後劉蓉所派追剿之蕭慶高等軍見在剿辦情形若何何以久

未據該撫馳奏著飭令該員等會同隴蜀各軍實力剿洗並將見在賊情迅速奏聞將此由六百里諭知都興阿雷正綰劉
蓉並傳諭張集馨知之○辛巳安徽巡撫喬松年奏楚賊復竄皖境見飭各軍分投堵剿得旨著即督飭諸軍遇賊即擊均
歸僧格林沁節制仍隨時與曾國藩會商妥辦皖北各路防務不准稍涉疏懈○睿親王仁壽薨賞銀一千兩治喪予祭葬
謚曰僖○壬午諭議政王軍機大臣等李鴻章奏請將措解楊岳斌募勇銀兩割抵撥款一摺前因陶茂林剿匪喫緊諭令
李鴻章籌撥江海關銀五萬兩嗣因楊岳斌募勇赴甘需費甚急復諭李鴻章迅速籌撥銀十萬兩茲據李鴻章奏稱江海
關稅款入不敷出僅湊撥銀三萬兩解交楊岳斌募勇赴甘即抵作飭撥甘省之款等語甘省軍情萬緊涇平一帶回氛日
熾陶茂林隨同雷正綰攻取蓮花城亟須鼓勇前進非厚儲餉糈不足集事江省雖餉項支絀仍應通盤籌畫力顧大局所
有前撥之江海關銀五萬兩著李鴻章仍遵前旨迅速如數撥解見在由陝抵甘道路尚可探明前進不至梗阻並著嚴飭
委員趨程解往不得藉口稽延致誤事機至楊岳斌募勇之費雖經李鴻章撥銀三萬兩亦斷不能敷用且指撥各省內亦
尙有力難兼顧甚於江蘇者設皆紛紛解不足數西北大局安望其能有起色耶仍著李鴻章如數協濟俾楊岳斌趕募成
軍星馳西行以後尚須源源接濟以顧邊陲而全大局將此由五百里諭令知之○癸未沈葆楨奏據席寶田將偽干王洪
芒玨偽卬王洪芒政偽招王黃汶英派員解省臣親提隔別研鞫均各供認不諱洪芒政蠢然一物於賊中情形不甚了了
黃汶英貌甚英鷲質之干逆卬逆均稱確係其人當時浙中及廣豐誤報陣斃者實緣得其偽印之故其言洪逆內政昏亂
各酋擁兵自衛情形甚悉洪芒玨羣兇渠魁洪逆謀叛實伊慫恿己未以後偽政歸其掌握流毒江浙幾無子遺所有該逆
等應如何辦理之處請旨遵行 上諭內閣沈葆楨奏拏獲兇悍逆首請旨辦理一摺本年自江甯湖州克復後漏網悍逆
洪芒玨洪芒政黃汶英等窮蹙奔竄擾及江皖疊經官軍跟蹤追捕茲由席寶田等軍將該逆等擒獲後訊取供詞洪芒玨
尤爲羣兇渠魁十數年來流毒江浙等省生靈塗炭實堪痛恨著沈葆楨即將洪芒玨洪芒政黃汶英三犯就地凌遲處死
以快人心○諭議政王軍機大臣等沈葆楨奏閩省軍情萬緊請飭左宗棠入閩督辦一摺據稱粵逆回竄汀郡張連蘭失
利賊陷武平瑞金踴逆盡數下竄粵之大埔嘉應閩之永定龍巖漳州先後失守見在咨商鮑超劉典相機赴援徐宗幹擬
出省調度而省防又慮空虛若坐鎮省垣則前敵諸軍無所統攝請飭左宗棠剋日入閩等語前據左宗棠奏賊匪繞竄閩
境已飭黃少春劉明珍由衢州赴邵武劉典由建昌赴汀高連陞由海道赴福州該督進駐衢州相機調度當經諭令曾國
藩飭鮑超越境會剿刻下閩省賊氛甚熾著左宗棠催令派出各軍迅速起程赴閩剿賊該督行抵衢州就近體察軍情如

果十分緊急卽行移軍直入閩境相機督剿迅掃逆氛江省主客各軍共計七萬有餘續又添募勇丁爲數不少此時瑞金踞匪已全數下竄軍務較鬆正可騰出兵力赴閩會剿沈葆楨既桑梓關情想斷不能坐視著酌度情形何處兵勇可以抽撥卽派令得力員弁統帶赴閩飽超一軍該撫亦可就近咨催入閩毋得稍分畛域所有援閩各軍均歸左宗棠調遣以一事權江省防務仍著沈葆楨妥籌兼顧將此由六百里各諭令知之○甲申諭議政王軍機大臣等道員金國琛在安徽帶兵得力本日已簡放甘肅鞏秦階道見在階州失守該省需員辦理軍務著曾國藩卽飭金國琛酌帶所部迅速赴任以資得力前經諭令曾國藩駐楚皖交界督師剿賊該大臣接奉前旨諒已部署起程嗣據喬松年奏斬水等處之賊回籍查山太湖等境僧格林沁已至英山誠恐賊眾逐漸深入皖南北防不勝防必須就地殄除方可一勞永逸李鴻章見已至江甯辦監臨事務卽可就近照料一切以便曾國藩督師出省前因左宗棠須赴衢州辦理閩省軍務曾經諭令馬新貽迅赴浙江省城是安慶省垣尤須大員駐紮應派何員前往接替之處並著迅速具奏本日據御史胡慶源奏江南鄉試人眾雲集請飭稽察奸宄等語金陵開科士商雲集誠恐良莠不齊奸宄潛迹著曾國藩李鴻章督飭文武各員加意防範不可稍有疏虞將此由五百里各諭令知之○諭恩麟奏回匪分擾東北各州縣渭源失守見籌防剿情形一摺鹽固陝回勾結義岡川踞匪分竄靖通安會靜甯等處於九月初三至十四等日直撲靖遠縣城圍攻甚緊十六日渭源被陷靖遠爲省城糧運要路且通河西三郡見在城圍未解亟應籌撥勁旅實力進剿以保危城著恩麟督飭派出之王德恆等軍重整隊伍出城迎剿一面酌派兵勇前往援救以解該縣之圍東路州縣風鶴時驚河州剿辦仍未得手誠恐該匪漸逼漸近窺伺省城著雷正綰於陶茂林曹克忠所部內酌撥數營馳赴蘭州省城以備調遣該署提督惟當趕緊抽撥催趨前進力保省垣重地兼顧河西三郡毋稍延緩致誤戎機恩麟仍當就見有兵力將各路防剿事宜妥爲調度並督飭在省文武嚴密巡防慎固封守儻蘭州省垣稍有疏虞必治恩麟以應得之罪都興阿督辦甘肅軍務責無旁貸應如何統籌兼顧並分兵進剿以牽賊勢之處卽著該將軍酌度情形相機辦理將此由六百里諭知都興阿雷正綰並傳諭恩麟知之○諭恩麟奏哈密漢回變亂官兵會同郡王伯錫爾夾擊獲勝全行殲滅一摺哈密回逆於本年八月間乘夜縱火焚燒閩鄉勢甚猖獗經文祺派兵約會郡王伯錫爾統帶該處兵丁夾剿大獲勝仗立將該匪全行殲滅辦理甚爲妥速本日已明降諭旨將伯錫爾嘉獎並交理藩院從優議敘矣該城逆回聞風煽亂前據保恆奏報匪勢囂張關鄉等處俱被焚掠此次郡王伯錫爾督帶回兵會合官軍兜剿能否殲除淨盡抑尚有零股被剿竄匿著文祺扎克當阿督飭存城兵勇會同伯錫爾所帶回兵實力搜剿務期盡絕根株毋留遺孽

前因扎克當阿已行抵巴里坤諭令馳赴哈密署理辦事大臣印務計已趨程前進文祺俟扎克當阿到城後即將應辦防
勦事宜移交該大臣與郡王伯錫爾妥籌會辦文祺即可馳赴軍營迅籌勦辦並由保恆飛催惠慶迅赴古城統帶蒙古援
兵星速前進規復烏垣本日據兵部遞回八月十四二十一兩日由軍機寄交平瑞印封二件內諭旨二道均係軍情緊要
之件保恆因烏垣被陷輒即遞回殊屬不知緩急嗣後遇有此等緊要寄諭之件即著保恆收存折閱遵旨籌辦毋得稍涉
推諉致誤事機至八月二十一日寄諭係因庫倫辦事大臣文盛等酌派東兩盟官兵遴選得力之扎薩克公等營帶馳赴
烏垣助勦諭令平瑞派員迎提等情此項官兵見在行抵何處並著保恆派員迎提催令趨程前進以厚兵力將此由六百
里各諭令知之○以林之望為甘肅按察使由鞏泰
道遷○前任陝甘總督熙麟卒予祭葬諡忠勤○予浙江殉難翰林院庶吉
士胥瑞塔等祭葬世職○丙戌諭議政王軍機大臣等曾國藩奏提督鮑超超遵奉前旨請假葬親一指已明降諭旨賞假兩
箇月回籍經理葬事矣鮑超超戰數省所向有功本年冒暑西征累獲大捷肅清江西全境厥功尤偉前已加恩賞戴雙眼
花翎旋復錫封子爵此次又准其回籍葬親所以獎其勤勞而遂其孝思者想鮑超超必知愈加感奮見在甘肅軍務未歲新
疆回氛日益蔓延前已命穆圖善帶兵出關勦賊而兵力尙單非得勇略出羣如鮑超超者前往協力恐難壁壘一新著曾國
藩傳旨鮑超超令其俟假期一滿即行由川起程出關勦辦回匪其舊部兵勇及得力將弁並准其酌量奏調隨帶同行川勇
向稱超捷並著該提督挑募成軍安立營規帶赴關外以厚兵力從前回疆用兵楊遇春即係川省土著立功邊域彪炳旂
常鮑超超務當督率諸軍肅清西陲威揚萬里以與前賢後先輝映該提督忠勇性成接有此旨必即欽奉遵行以副朝廷委
任聞省軍務萬分喫緊前曾諭令沈葆楨催令鮑超超赴閩援剿此時鮑超超既經賞假回川其所部如總兵宋國永婁雲慶等
皆係勇敢素著即著分領鮑超超之軍左宗棠沈葆楨徐宗幹檄令赴閩會合夾擊痛掃逆氛援閩合軍並著仍遵前旨統由左
宗棠節制調遣以一事權將此由六百里諭知曾國藩左宗棠沈葆楨徐宗幹並傳諭鮑超超知之○諭穆圖善奏統兵陸續抵
甘請催山陝兩省軍火餉銀並行糧原款即在陝西補解欠餉內扣還歸款各摺片穆圖善所部黃金山等四營金順兩起馬
隊先後馳抵花馬池地方並督率孟宗福等剋期前進所陳餉精糧窘情形朝廷早經鑒及前因新疆回氛甚熾諭令穆圖善
出關勦賊或繞赴蘭州或北走草地均由該將軍探明前進著仍遵前旨統軍出關暫駐哈密籌畫進兵之策穆圖善既不克
在甘勦賊著都興阿就見有兵力妥籌防剿前次請調吉林兵一千名赴甘助剿本日據景綸等奏存兵無多無可徵調已允
所請俟湖北軍務告竣俟格林沁馬隊尙可酌撥數千屆時即當撥交該將軍統帶以資調遣穆圖善所需餉項十分緊急前

諭沈桂芬先撥銀二三十萬兩迅解穆國善軍營俾利進征該營糧臺見無絲毫存款各軍士嗷嗷待哺幾有不可終日之勢著沈桂芬將指撥之款迅速籌解一面趕緊覆奏毋得稍延劉蓉相距較近尤應力等接濟乃疊次奉諭嚴催竟敢延不報解任意宕延實屬不知緩急著劉蓉懷遠疊次諭旨將欠解之餉按數如期籌解並將軍火帳棚等項按次委解以供要需並著穆國善派員迎提以期妥速儘劉蓉仍前延玩致移國善停兵待餉不克前進必重治該撫以應得之罪穆國善所部兵勇陝省欠餉七八月之多此次沿途所發廼楚等項著劉蓉即在補解欠餉內扣還歸款嗣後該將軍行糧仍著劉蓉陸續協濟將此由五百里各諭令知之○予江蘇殉難訓導梅振鏞安徽殉難通判達凌阿等祭葬世職○丁亥僧格林沁官奏自我軍敗賊於新洲集該逆東趨風火山等處盤踞僧格林沁於九月二十日督馬隊進紮竹瓦店常新阿藍斯明等移紮朱店成保陳國瑞等進紮圍腰二十二日分西北兩路進剿獲勝奪賊壘多處該逆麇集包龍廟列仗回拒翼長恆齡等各率馬隊由中路進攻該逆翻山向蕪水一帶潰竄是日斃賊數百名解散無數二十三日官文到竹瓦店晤商機宜以賊蹤奔竄靡定江防固須嚴密仍當遏截西北以防越嶺回竄臣官文即日回營督飭水師慎防江面僧格林沁次日督隊進紮新店地方兼催各路步隊進剿探得該逆分股一竄蘄州之曹家河一竄蕪水以東之陳家壩將趨皖境遂飛咨撫喬松年嚴飭官軍實力扼截前後夾擊一面令常新阿等追剿曹家河竄匪僧格林沁督帶恆齡成保等馬步各隊跟追東竄之賊二十六日至陳家壩探報賊蹤漸趨東北當札飭英翰郭寶昌等各帶所部於英山扼要堵剿成大吉等管帶所部跟蹤尾追二十七日成大吉等敗賊於青石嶺等處該逆翻山分竄一向東北潛太一路一向正北英山一路遂飭成大吉等追剿東北竄匪僧格林沁督帶成保陳國瑞等馬步各隊繞赴英山分東西兩路橫出堵剿北竄之賊十月初二三等日成保等在英山以東追殺賊匪數百名解散不少初四日追至上漠河四路悍賊齊來撲犯經我軍擊敗殲斃八九百名生擒數百名初五日探得賊勢將趨霍山恐其西竄則流波磧一帶正當其衝總兵張得勝之軍未免單薄遂飭駐古佛堂之何紹彩等拔隊迅赴流波磧會同張得勝實力堵剿並催英翰郭寶昌各帶步隊向霍山一路速進橫截僧格林沁督帶恆齡等馬隊隨後繼進初六日英翰郭寶昌追至樂兒嶺擒斬甚多先是英翰等敗賊於陶家河等處有匪目黃中庸率眾千人來降初七日我軍至黑石渡英翰等令黃中庸襲取賊營而陳得才馬融和邱元才等股漫山遍野直撲我軍英翰等督隊迎擊擒斬數百名將賊截為兩段僧格林沁亦督帶馬隊趕到賊勢窮蹙邱元才率黨向正北麻埠奔竄偽將溫其玉等及夥黨九千餘人投械乞降因人數過眾須妥為安插速解其勢當飭英翰等酌留二三千人令為前敵立功贖罪其餘酌給川資遣散回籍偵知逆首陳德才

馬融和等俱在營家渡一帶慶惡偽法托藍城春在五歧河一帶盤旋當飭成保英翰等各帶所部分投進剿初九日馬融和率黨七萬餘人來營投誠願爲前敵初十日偽將甘懷德等亦誘擒僞端王藍城春出獻率黨五千餘人投誠當將藍城春訊明凌遲梟示以中國法而快人心曉諭降眾痛改前非遣散回籍馬融和緩死畱營令誘擒逆首陳德才並招撫逆黨以孤其勢仍隨時察看該降目如尙懷異志卽按軍法從事聞陳德才伏匪英霍潛太一帶已飛咨喬松年飭各處防兵一體接拏至何紹彩張得勝等由流波確追賊至桑樹衝擒斬多名該逆前股已過麻埠北竄後股賊曾汪侍第率眾數千投誠薙髮遣散並據張得勝稟報追剿至商城東北僞將邱元才率眾乞降當飭該總兵等確查如果真心悔罪准予投誠又據府擬學稟報賊至英山屬之長嶺庵地方僞將吳青泉等率黨萬餘投誠當經札飭該道畱千餘名驅之前敵其餘遺散見在大夥陸續來降者不一而足統計各營接仗擒斬數千受降十數萬人前後遣散降眾已分咨湖廣安徽河南陝西各督撫嚴飭沿途地方官分起遞解原籍妥爲安插毋使滋事臣僧格林沁統兵在黑石渡暫紮以資鎮撫俟稍有端緒再行酌量緩急撥兵助剿惟常新阿等於九月杪追賊至廣濟東南遇伏失挫蕭河清力戰陣亡官兵亦多陣歿臣僧格林沁飛咨官文確查接應不力各員據實參辦見在該逆上竄蔡家河一帶意圖回擾黃麻難保不北犯豫疆已飛飭常新阿等整隊繞出賊前堵截並撥成大吉之軍由英山折回楚省會剿毋令西趨豫省兵力單薄先令成保陳國瑞等帶領馬步隊取道商城向光州一帶扼紮並函會國瑞選帶馬隊駐紮光州以杜北竄已革提督馬德昭業經到營見札令幫同成保管帶步隊認真追剿 上諭議政王軍機大臣等僧格林沁官文奏追剿髮捻各匪獲勝匪首窮蹙乞降陸續來歸者不下十萬餘眾該親王聲威所及巨憝授首匪眾傾心蓋緣公忠素著用能數日之間獲此奇捷覽奏深爲嘉悅馬融和亦係著名悍寇難暫時帖耳受撫狼子野心終難馴制且降眾人數過多恐首鼠兩端之輩不免久而生心著僧格林沁暫駐黑石渡妥爲鎮撫以防反側其有籍可歸者自應妥爲安置俾安生業沿途經過各地方尤須認真彈壓方不至滋生事端著官文吳昌壽喬松年張之萬嚴飭所屬地方妥籌辦理陳德才張總恩陳大禧三犯尙在逃未獲著僧格林沁督飭各軍實力投拏並著飭令馬融和設法誘擒陳德才等以明心迹該三犯見在賍伏英霍潛太一帶著喬松年嚴飭在防諸軍一體兜剿儘堵遏不力任令脫逃查由何路竄走卽惟何路防兵是問常新阿等追剿南竄股匪至廣濟縣著該親王會同官文查明參辦見在此股若干人著僧格林沁查明具奏逆眾既圖上竄回擾黃麻難保不北犯豫疆該親王已令成保陳國瑞向光州一帶扼紮以杜北竄並著國瑞選帶馬隊馳往光州會同張之萬督飭防軍奮力扼剿馬德昭見已到營卽著札令幫同成

保管帶步隊以資差遣將此由六百里各諭令知之○諭本日據僧格林沁等奏官軍剿賊疊獲大勝各股匪眾窮蹙乞降見擬陸續遣散邊籍已分咨湖廣等省督撫妥爲安插等語此等降眾大半被賊裹脅居多見既投誠反正自應分別遣散惟其中良莠不齊若不妥籌安置難保不別滋事端著憚世臨於該降眾等遣回過境時飭令所屬地方官酌給口糧分別遞回原籍妥爲安插認真約束毋稍大意將此諭令知之○諭雷正綰奏官軍攻克蓮花城老巢見擬分路剿辦並曹克忠助剿得力請飭陝西接濟軍餉及圖繪攻取要隘呈覽各摺片雷正綰自平涼移師而南疊破逆巢殲除悍黨此次復督率曹克忠等攻克著名老巢洵屬調度有方勇略出眾不負朝廷倚任之隆深堪嘉尚前因靖遠被圍渭源失守省城防務喫緊曾經諭令雷正綰於陶茂林曹克忠所部內酌撥數營馳赴蘭州以備調遣雷正綰見於攻拔蓮花城後即令陶茂林督率馬步十七營剋日徑赴蘭州妥籌堵剿所辦與前旨適相脗合即著馳赴蘭州省城所有趙必達一軍及省城一帶各營防剿兵勇悉歸陶茂林調遣即將西路一應防剿事宜相機妥辦迅解河州之圍以冀漸次戡定嗣後軍情事件即由陶茂林與恩麟聯銜具奏俾免稽延蓮花城爲四達之衝且地屬秦安與階州接壤見在髮逆竄擾階州逆蹤環逼尤不可不加意防範曹克忠紀律嚴肅所部各營一律精銳即著飭令暫紮蓮花城居中控制其張華之軍即撥歸曹克忠調遣以便進攻秦州鹽關等處回匪迅速掃蕩雷正綰見已回軍平涼即著審度軍勢恢復固原節節北趨期與都興阿合兵夾擊肅清甯靈一路賊匪底定邊陲所陳要隘圖說具悉一切以後雷正綰進兵道路仍著將地勢賊巢隨時繪圖貼說呈覽曹克忠一軍所需糧餉向由陝省供支此時雖已入甘助剿而甘省餉項支絀難期接濟仍著劉蓉照舊供支源源運解不得稍分畛域致誤戎機秦州捐款釐金業由恩麟撥充雷正綰兵餉陝餉未到以前即著將此項歸併曹克忠軍營應用以濟然眉髮逆竄往階州劉蓉所派追賊之蕭慶高何勝必兩軍見在行抵何處一切剿辦情形總未見劉蓉詳細具奏實不可解著即格違前旨迅速覆奏毋得視同隔膜置軍事於不問自取罪戾本日據僧格林沁等奏剿辦楚皖賊匪疊獲大勝除斬殺外各股匪首窮蹙乞降者甚眾已陸續遣散回籍等語此股降眾多有藉隸陝西者著劉蓉嚴飭各地方官妥爲安插毋令滋事致干重咎將此由六百里諭知都興阿雷正綰劉蓉並傳諭陶茂林恩麟知之○子陣臣副將陳有傳等祭葬世職建祠○戊子諭議政王軍機大臣等僧格林沁等奏陸路賊匪由廣濟上宣督師追剿一摺逆匪分股一由張家塢陳德園潰走一由蘄州廣濟奔逃疊經官軍追剿該逆以一股牽掣我軍分股由廣濟翻山繞越蘄州廣濟一帶上宣經譚仁芳等截殺遂由葉嶺逸入上下巴河等處旋由黃岡麻城直趨岐亭新洲各路上宣黃殿官文見派常新阿等趕赴上游節節追